


釣臺集

下二




子孫永保

內閣文庫	三二五八	漢書
架冊號類	九函	

漢書	二二八
架冊	六八

內閣文庫	番號	漢	11158
	冊數	6	(4)
	函號	292	104





讀書齋

淺菴文庫

宋姜叔永

潔身不犯釣傲世豈圖形雲裏尋真隱林間見
此亭鷗群歸水麓人語在烟屏尺五天非遠何
妨酌客星

宋潘時

不到危臺久重來恰十年壯懷今掃盡遺像只
依然老我從踈拙微官合棄指歸來營釣鏡來
此卧風烟

宋徐照

詩集卷之十

五七

三

當時廊廟去此地也成空草木多年換兒孫近
代窮無言傷末俗久立慕高風梅福神僊者新
知是婦翁

宋楊直清

着脚雲林上先此一豈釣名人誰超世網我自愛
灘聲鍾鼎嘆逾重衡茅可自輕群公了時事
得閒歸耕

宋羅汝楫

屹屹君家舊釣臺臺前祠屋半傾頽掩關故有

殘僧在停棹知無俗子來欽想清芳垂竹素
令高躅就蒿萊兼工料理由違尚我願乘

一流
一盃

宋嚴康朝

槎牙古木鎖雙臺往事渾隨歲月頽獨有清風
披今古愧無高躅繼雲來故家已許終身復奉
祀虛聞百畝萊崛起危簷驚世俗史君不

是為
御至

宋謝邁

羊裘不見釣臺傾水到臺邊分外青天上故人
新黼黻身前萬事一冬筭章侯筆法逼秦相范

子文章厚易經圖畫名臣久磨滅此碑千

古案繁

宋鄧元

青衫傲吏竟誰傲白首歸田安用歸
酒信英雄爭兩立不然富貴摠相依
故人得國九天下處士逃名一釣磯
真隱真王各千載滄浪寒

籍滿

宋姜叔永

異世相望百尺臺過舟誰不共徘徊
山川不改舊奇勝日月于今幾往來
遺像雖存千載祀高風莫挽萬牛回
哦詩得句須還李乞與幽

人病眼開

宋袁聘儒

直使名聲尚存公隱居豈為激顏風
漢家既已封諸將海內誰能看
西雄贏得一身游鹿豕枉令後世駭
兒童英豪心事知誰會江水雲

山杏莫窮

宋黃茹之

空使人間訪客星羊裘不博衮衣榮
高名全節子今誦斷岸懸流到底清
久蕩已增炎系重一釣未覺釣絲輕
偶來尋覓遺蹤跡又見漁

燈貼岸明

宋陳倫

人言漢德在民深不把鴻嘉往事尋撥亂除煩
天子聖起廉立懦老臣心長陵一旦無杯土岬
鼎雙隅尚欽襟始信先生遺德遠桐江嚴桐江
功名竹帛半張紙富貴丹青一綫流故舊小臣
天子友嶢岫覃隱野人遊孤峯午夜消明月亘
古寒潭捲碧秋怪底紅塵何處客特來祠下

宋錢錡

昔人垂釣今何在此地空餘甬尺臺山上浮雲
舒復捲江中潮汐去還來昭昭令譽垂千古耿

耿清風播九垓回視壽陵何處是夕陽翁仲

宋楊潛

遐想當年隱富春生涯只寄一絲綸幸逢白水
為真主肯向青山訪故人試問勒功依日月何
如占象動星辰回頭四七皆塵迹獨有先生迹

宋方有開

先生玉立伴玄英心與冰壺兩闡明已把羊裘
甘閒寂肯隨龍袞耀光榮名扶漢鼎千鈞重風
激嚴灘七里清試向漁磯問蹤跡白雲深處綠

宋錢隱之

來往輕舠不暫停誰人識得子陵心浮雲富貴
從興廢釣石清高自古今流盡年光嚴瀨水喚
回塵夢富春禽客星無復瞻光采惟有空山月滿林

宋胡師中

世祖龍潛有故人甘心肥遯此垂綸當年物色
空尋訪今日聲名愈覺新人是人非都不染潮
生潮落莫知春英雄衮衮雲臺上爭似先生灑灑

宋周弼

晴江漾漾綠波來惆悵石房去不回秦苑山河
歸故國越鄉風雨開荒臺春風一道江籬長落
日千峯社社衣欲訪釣舟無處所野花如雪滿汀開

宋來梓

隨宜也要近長安寓地無嫌泊釣灘驕氣正餘
秋後熟爽風徐變夜深寒逆知自有乾坤寄尚
可相依日月寬脫或未然聊爾耳東湖無無

宋錢竹間

菱菱束帛起江濱一見天顏喜不勝同寢無忘

天子貴相親惟念故人情懶追伊呂興王業寧
學果由遊姓名不是漢光天地量容星那得到

宋蘇十能

江水粼粼碧雲山疊疊奇平生心事一鉤絲便
是臺中日月更何疑○文叔今方貴若房素自
癡洛陽塵土浣人衣爭似歸來雙足踏煙漪右南村子

宋朱熹

不見嚴夫子寂寞富春山空留千丈危石高出
暮雲端想像羊裘披了一笑兩忘身世來揮釣

魚竿肯似林間翮飛倦始知還○中興主功業
就鬢毛班馳驅一世人物相與濟時艱獨委狂
奴心事未羨癡兒鼎足放去任踈頑爽氣動星
斗終古照林巒右水調歌頭

王白中

扁舟夜泛向子陵臺下偃帆收櫓水闊風搖舟
不定依約月華新吐細酌清泉痛澆塵臆喚起
先生語當年綸釣為誰高卧烟渚○還念古往
今來功名可共能幾人光武一旦星文驚四海

從此故人何許到底軒裳不如簑笠久矣心相
與天低雲淡浩然吾欲高舉

右調醉
江月

宋林式之

桐臯東去又依然烟際兩邊柔櫓賴有雙臺知
已耳牢落孤懷欲吐小倚雲根細商心事提起
千年語九天飛夢別來長記幽渚○試說北海
歸文西山何事獨不甘臣武廣大堯天箕穎小
綿上可能如許舉世真癡先生長嘯塵海誰堪

清聲吹送刺天鸞鶴冲舉

右調醉
江月

宋沈剛孫

我來訪古把塵襟都付一聲鳴櫓笑把瑤觴波
浩蕩却憶長鯨吞吐坐挹高風骨清毛冷不作
鬢塵語客星何在謾留遺像江渚○試問澤畔
羊裘當時何事笑禹弁官武金印貂蟬誰不愛
只為汗頑巢許幸有高臺較他箕穎未肯輕輸
與酒醉長嘯翩然誰共飛舉

右調醉
江月

宋陳安行

重過釣臺路風物故依然羊裘軒上俯臨清泚

面孱顏仰見先生風節更有兩公石釣冰雪照
人寒龍野方馳逐鴻翼自孤騫○酌壺觴追往
昔笑華顛別來三紀推排曾戴侍臣冠慚愧忘
恩難答聊復守符重縮敢嘆客途艱少報暮年
政行泛五湖船

右水調
歌頭

宋曾中思

有客泛輕舸迤邐到桐廬山灣水曲箇中依約
似山區試喚清江漁父為問來今往古興廢事
何如笑指寒煙裏以是子陵居○漢光武興

連瞿乾符客星侵座方見不與故人踈自是先
生高尚無限經綸才略飄泛寄江湖凜凜亘千
載風月屬樵漁

右水調
歌頭

黃千初

縮緯釣臺下歛衽謁嚴陵石磯封蘚一笑撲萊
獨先登山獻修蛾幾抹江達青羅十頃今古富
春聲行有二三子心蹟喜雙清○弔羊裘追往
躅尚儂形丹青洒落三反誰動紫垣星重袖調
元大手歸傲綸竿一線志不在寒鯨千載仰風

節鴻鵠自冥冥

右水調
歌頭

宋張嗣初

名節本來重軒冕亦何輕人間兒戲剛自指點
客星明黃屋龍旂九仞蒼石漁絲千尺誰奪又
誰榮會得儻來意方識古交情○想當時奇男
子漢真人龍潛豹隱魯中同是一經綸公辦中
興事業我向滄浪學釣各自寄吾真誰信往來
客千古誦清名

右水調
歌頭

宋范成大

浮生有幾嘆歡娛常少憂愁相屬富貴功名皆
由命何必區區僕僕燕蝠塵中鷄蟲影裏見了
還追逐山閣林下我人真箇幽獨○誰似當日
嚴君故人龍衮獨抱羊裘宿把漁竿都掉了百
種千般拘束兩岸烟林半溪山影以處無榮辱
荒臺遺像至今嗟不足

右詞
醉江月

宋沈明叔

漢事正猶豫足跡聽楚然嚴陵老子當時底事
動天頑曾把絲綸一擲藐視山河九鼎高議凜

人寒竹帛非吾事，霄漢任騰騫。○問雲臺還得
似釣臺巔，幾年山下使人猶識漢衣冠。寄語功
名餘子，今日成塵何在，百戰亦多艱。一笑桐江
上來，徃釣名舡。
右水調歌頭

宋鄭庶

千古釣臺下，老虛去，喪人倚空絕壁。朝暮秀色
只如春，高掛瀑泉千尺。洗到雲根山骨，無處着
凡塵。秋盡玉壺冷，別是一乾坤。○問當日中興
將漢功臣，雲臺何在，寂寞誰護。記丹青爭似先

生標致，長共清風。月不減，舊精神，無限興亡
意。舒卷在絲綸。
右水調歌頭

宋程準

并繫釣臺下，身寄碧雲端。骨中千古風，月筆下
助波瀾。喚起羊裘仙魄，來伴蟬冠。清影星閣倚
闌干。上想中興事，名節重於山。○濯滄浪，開玉
鑑，照朱顏。平生多少英氣，直欲斬樓蘭。盡道詩
書元帥好，作經綸。上袞勲業炳華丹。霄漢展鸞
翼，雷羽震龍蟠。
右水調歌頭

宋方有開

七里灘邊江光漠漠山如戟
漁舟一葉送八寒
烟碧○笑我塵勞羞對雙臺石
身如織年年行
後魚鳥渾相識右點絳唇

跳出紅塵都不顧是非榮辱垂釣處
月明風細水清
山綠七里灘頭帆落盡長山瀧口潮回速問有誰
特地上鉤來劉文叔○貂蟬貴無人續金帶重難
拘束這白麻黃紙豈會經目昨夜客星侵帝座且
容伸脚加君腹問高風今古有誰同先生獨右絳紅

空山木落月淡闌干角相與羊裘堂上方知
宦情惡○老來須自覺酒樽行處樂疑到碧灣
無路灘聲小槽薄右詞霜天曉角

劉原原

幾載滄江夢此夕復經過雙臺對峙如畫空翠
滴晴波不是先生高節激起清風千古漢鼎復
如何矯首望天際烟樹翠婆娑○危樓下數不
盡去帆多人人驚肉生髀却日欲揮戈誰識磯
邊泉石別有壺中天地烟雨一青蓑自笑亦華

髮三嘆吊巖阿右水調歌頭

林實之

客星堂下水碧浮空烟樹幾重重想故人當日
論情蓬藿際會雲龍底事泥塗軒冕不肯作三
公千仞釣江許此意誰同○應笑赤松黃石效
癡兒成事猶自言功怎知他箕穎袖手獨春容
幸風月有人料理自家山叟與溪翁鳴榔晚一
聲長嘯相送冥鴻右八聲甘州

元張養浩

一葉舟輕雙槳鴻鷺水天清影湛波平魚翻藻
鑑鷺點烟汀過沙溪急霜溪冷月溪明○重重
似畫曲曲如屏當年虛老嚴陵君臣一夢今古
空名但遠山長雲山亂晚山青右行香子

周權

東都熱官手可炙吳儂面似秋江色平生落魄
一羊裘七葉貂蟬不堪易功臣盡在雲臺中丹
青化作塵埃空先生遺像只在此釣竿尚裊桐
江風悠悠世事江雲白過眼輕帆自朝夕人間

萬古仰孤風天上有星猶是客

趙孟頫

悠悠空山雲泱泱長江流廟廊意不胥山澤聊
淹留故人在天位高步追巢由豈曰子無衣辛
苦披羊裘東京多節義之子乃其尤窮若雖獨
善輔世豈不優

貢師泰

江流浩蕩石巔屹千里來尋一日閒慚愧白頭
奔走客題詩也到富春山

百戰關河血未乾漢家宗社要重安當時畫着
羊裘去誰向雲臺函裏看

薩天錫

雙臺屹立幾千仞不有一葉之孤舟繫雲亂垂
光燦燦長藤古木風颼颼荒祠幽黑山鬼集恠
石如人水邊立錦峯繡嶺雲氣深萬壑千年露
華滴山僧對語夜未央不知風露滿衣裳喚舡
振錫渡江去林黑無由歸上方高舉宇宙無人
語亂石灘聲洒飛雨歆從嚴子借羊裘坐待舡

頭山月吐

趙奕

君因鄉相戀我為利名來羞見先生面黃昏過
釣臺

徐舫

子陵何為隱漢爵不肯受天子下皆臣獨稱天
子友平生一羊裘甘作烟波叟迨今雙臺石高
風清宇宙夫何釣者徒千古祠第朽烈烈雲臺
功冊青今在否

元黃鎮成

桐江兩石臺屹立萬仞高昔日羊裘翁長緡釣
秋濤雅志不在魚白首蹲江臯誰知九重翁乃
是舊同袍故態不可除林泉終邂逅睨彼軒冕
崇乾坤一鴻毛泊舟滄江側捷步追猿獮下窺
流水清仰睇風雲豪崇祀庇林麓千載猶蒸高
懷哉古人風江流日滔滔

元劉因

文叔雖天子因陵位愈尊為陵成高節此亦天

子恩兩星應千古精爽如尚存有此謹厚者可
贈狂奴真棄由本不輕恠妄徒擬倫中庸久無
沒矯激非天民惟餘仁義語至今凜若新想像
富春日崔嵬猶起人

元金履祥

誰云孟氏死吾道久無傳我讀子陵書仁義獨
兩言仁為本心德義乃制事權懷輔存體用治
亂生紀關乃知嚴先生優到聖賢道歸未釣清
江夫豈長往人漢道改雜伯文叔徒幾沉何如

對青山俯仰自油然我來一瓣香敬為先生拈
陟彼崔嵬罔想此仁義心儼若羊裘翁縹渺暮
雲溪

西望先生舊釣臺無窮山色鎮崔嵬閑歸故里
更春雨遂起頽風生暮雷萬幸盡隨江水去千
年能發客星來北山今有何夫子不入經

蓮亦
草葉

元許謙

盜莽絕矣運虐焰煽方熾英雄各懷忠節匿有
所遷真人一呼問風雨浩無際浮埃掃妖孽

石真神器先生澹無欲耕釣聊避地俯首千仞
岡一莞群士戲故人正九五樂與其天位棟梁
及榱桷堂構亦粗備龍遊白雲鄉美秦寧受繫
事君當盡禮豈不熟茲蓋胡為夜牀足加腹固
敬忘羊裘有何樂若是志乃遂高節全一時
利自百世桐江渺舊遊山水貯清氣升堂挹餘
風塵心等蟬蛻

元楊維禎

子陵江海客本非沮溺倫仁義立奇論豈果忘
吾民狂奴作故態飄然歸富春客星犯帝座
史成天文故人信符讖三公等浮雲

元范梈

吾慕嚴子陵隱居富春山故人乘六龍身隨魚
鳥閑羊裘大澤雪在鬢忽來導從入皇都掉頭
不受諫大夫高風逸節何代無慎勿滄浪輕釣

元鮮于樞

霜髮孤舟客風帆七里灘渙家江樹晚鴈影水
雲寒鄉近人情好年豐老慮寬歸舟真誤矣何

事着儒冠

元胡炳文

鴻飛冥冥不可弋當時肯入搜羅中暫徃自為
故人屈竟歸不與子餘同漸視富貴意誰識大
閑名教功奚啻近來士氣頗卑懦艤舟祠下歌
清風

元陳野雲

雲合雲從四七豪冥鴻不受綠羅袍委身若使
馮鄴兀節何由到許巢一足故人星宿迫片

心清聖水雲交釣臺凜凜高千古回首雲臺覓
夢泡

元胡初翁

南陽真人有天下東都大業猶關中山澤釣耕
不啻足巖廊漱納將無同鴻羽為儀世共嘆龍
德而隱天何窮九鼎乘除可堪數渙歌未斷秋
江風

元戴良

萬丈層崖置屋牢子陵塚墓壓靈鼇繞庭雲氣

皆山雨滿壑風聲是海濤
隱德昔煩天使下祠
光今並客星高回頭却憶當年事
歲度春陵鬼
夜號

元俞師魯

漢官威儀如舊日
先生羊裘釣澤中
東都名節從茲始
雲臺功烈何能同
寒流殘照見天末
危日脫木驚秋穹
惜哉登臨迫行役
負坎千載桐
江風

元胡虛中

已幸六龍在天上
勇辭諫議歸山中
懦夫立志固
有自處士盜名
元不同雲寒山
青巖瀨古湖
生鶻沒吳天
穹田思韓歎
死直諫客星
心信真
高風

元揭傒斯

何事玄纁入里閭
羊裘暫脫入安車
空令太史驚同寢
猶把狂奴視報書
一出聊為天子重
諸公莫道故人疎
朝廷自足中興士
且放桐江看老夫

元張翥

雨臺有逕可躋攀老樹長藤蒼蔚間漁釣自忘
天子貴風雲何似客星閑鍾催夜月來孤寺帆
挾春潮過亂山寂寞羊裘軒下落幾人携酒醉
瀟溪

元王叔明

雲臺圖寫中興功豈識羊裘遁世翁天上有星
侵帝座人間無地獵飛熊一竿釣雪誰堪比九
一志不同寂寞兩厓懸日月徒令千古播

高風

元趙孟頫

桐江水色映青山安穩行人掛布帆回首風沙
鞍馬裏不知此地是塵凡
富春山中有客星辭榮歸來意更真羊裘坐釣
滄波上却笑劉郎非古人

元成脩堂

節義功名總不輕南宮圖像炳丹青如何只畫
風雲將不畫桐江一客星

元貢師泰

青山如馬復如龍
滄海東來第幾重
不是狂奴輕萬乘
世間誰不受牢籠

元呂鳳山

自分清濁倚天開
一字無人譽釣臺
底事品題今滿壁
先生曾把釣竿來
文叔親呼眼不開
已應魂夢倚高臺
好山好水好風月
合放先生歸去來

兩人曾共一燈青
後會如何犯帝星
過客有懷

無處問青山
伍伍水泠泠

不是逃名去
不還也非沽譽愛
高攀暫來還去

無拘束道在清和二字間

舊物還他舊時主
故人堪老故山樵
後人要識

閑中趣
山上浮雲水上瓢

不絲安穩不須高能止
頽風息怒濤
莫道後來

無好手
文星還與客星高

元錢君佐

相逢一宿眼
充青大史朝來奏
客星不是世間

天地大肯容江水釣冷冷
不事王侯去又還清風高節有誰攀
西山餓可與齊名字宙間
芳名耿耿不銷沉自漢流傳直到今
臺下佳來名利客誰人學得子陵心

元錢君瑞

臺下遊人猛看篙一絲穩把任風濤
後來若使投竿起那得名同釣石高

嚴灘浪裏釣絲垂莫道先生事業微
清室瓜分

今已夕月明尤自釣漁磯

自愛雲山了此生歸來不念故人情
一竿風月耳閑釣羸得嚴陵萬古名

元無名氏

范蠡忘名載西子介推逃迹累山樊
先生正爾無多事聊把漁竿坐水村

先生久矣抱清名七里灘頭釣月明
富貴若教頻着意渙策烏得老平生

晦迹韶光不計春怡然養道樂天真
一竿臺上

清風遠肯為中興作漢臣

元楊樵雲

一炬中天炳客星稜上風節高如生清名振世
千鈞重好爵當時片葉輕

元孫嵩

江上綸竿萬慮空東都持節有誰同如今榮利
千鈞重但覺人間欠此翁

突息唯君有故人羊裘蕭散不須臣幾千年後
重來問水馥山秀迹未陳

元程鉅夫

先生只合桐江老幸有生涯釣與農偶被羊裘
勾引去客星早已不相容

元王恽

都俞無幾已還山自笑瞞跚老一官為恐石壇
松鶴笑夜深舟過子陵灘

元張憲

天上故人赤伏符羊裘大澤隱狂奴絕憐一線
桐江月不換當年諫大夫

元錢無

一見故人歸去來漁竿不肯博三台漢陵今日
無杯土惟獨先生有釣臺

元康里巖巖

子陵才業高千古當使君王入夢思漢祖規模
只如此惜哉堯舜不同時

元錢芸寬

尚父投竿渭水濱先生何事獨世綸應起濟世
多英傑懶下高臺謁紫宸

元胡植芸

老樹巖崖浸碧沉清風凜凜上到如今臺前咫尺
紅塵路無柰高人不動心

元錢天德

雙石巍峩瞰碧流高名不朽古今留平生亦有
烟霞趣欲學先生把釣鈎

元舒蘊庵

自從盤古兩儀開便有峩峩兩石臺建武以前
誰着眼高名起自子陵來

元錢肯堂

客星閣下碧流長兩岸清風起綠楊
窺古今人成感慨旋斟物水弔嚴光

元黃潛

四山環一水遺臺故嶺岢那無漁樵
居政復不敢安舍舟衝微雨憑軒俯
清灣念昔乘興來無從寄游觀今我
有行役乃爾容躋攀山靈豈愛我為
解塵土顏落日奠蘋藻清風開瓊環
幽尋不可及林漠吾當還却去望層
岩孤舟生晚

元王惲

至元十六年己丑歲冬仲九日予自
桐廬舍鞍鼓柁取道嚴瀨既午艤舟祠
下登拜遺像肅如也歷觀古今題記
多論其形迹未有明先生之心者天
下有二道出與處而已先生之起義
明君臣順乎天也浩然長歸氣信明
節遂其志也夫三公坐而論道思明
是理而表萬方者也是則佐理之功
多矣尚何為哉因留詩招隱柱間
入客星閣眺羊裘軒降觀釣臺書院
山光叢簇



江流有聲若有以回俗駕而謝逋客也江行有
程促之而去回望雙臺顏厚有怙

劉卽少年同几席繡裾朱衣稱謹勅六龍一日
飛上天豈為故人談往昔原陵欲臣意有在大
隱何心學夷隘當時雖落物色中肯以三公易
其介先生豈是烟波徒奕奕星芒動帝車一言
稍峻得狂鄙况復好爵糜其軀君臣大義已明
了助順又見懷仁書君房初不識微意尚欲求
益何其迂一竿雖老桐江月儘看清風勵薄夫

國朝劉基

伯夷清節太公功出處行藏豈必同不是雲臺
興帝業桐江無用一絲風

高啓

羊裘翁遺釣臺蒼翠兩相向勢厭千崖鬼嶮巖
峭壁聳雲表下有泱泱桐江流東望滄溟不復
迴清風在茲振千古唾視輕冕浮輕埃心懷高
潔猶可覩時吐片月峰頭來釣臺之高何如哉

楊榮

炎祚中興群賢滿朝懷哉故人寧不可招煌煌
客星有光天府羊裘釣絲清風千古

張以寧

故人已乘六龍來石獨羊裘釣月明魯國大名
垂宇宙漢家小吏待公卿天回御榻星辰動人
去高臺山水清我有長竿數千尺坐來東海看
潮生

莊景

吳漢雲臺迹已休萬年風節在羊裘西來定是
桐江水不共漳河一處流

王偁

高臺薄層霄仰視烟霞深羊裘昔何爲遺身在
雲林漢宮久荒涼霸業成古今飄飄釣臺絲尚
爾清煩襟幾年倦羈旅扁舟宿溪潯折芳欲有
酬洒酒絃素琴臨恍中夜霄漢星光沉

方孝孺

敬賢當遠色治國先齊家如何廢郭后寵此陰
麗華糟糠之妻尚如此貧賤之交安足倚嚴陵

老子先見幾故向桐江弄烟水

王皆山

新室篡炎祚中興復與國故人即軒冕先生獨
樵漁一出盡交態拂袖歸桐廬豈惟黃綺輩得
與巢由俱我來訪遺跡高臺但荒蕪洒酒酌千
古悲風起天隅

商輅

拂袖長歌入富春滄江深處獨垂綸
短策不換軒裳貴千載高風有幾人

登釣臺

邵璉

晴江日午繫扁舟偶上層臺覓勝遊
岸幘千山聳鳥語垂綸百代憶羊裘
灘迴七里迢迢遠潮入三江滾滾流
自笑一官徒偃蹇客星亭上轉遲留

重登釣臺

前人

更上凌霄思欲僊凌峯杳靄半藏煙
望窮極浦寒潮湧倚遍危亭落照縣
傲骨自忘天子貴辭榮獨特故人憐
重來幾度成追憶回首風塵意

悄然

五日方壺部少尹招遊釣臺是日即宿江

上

朱亮

欲褰青蒲薦楚臣偶凭江閣羨垂綸縣知寄傲
峯頭客不侶行吟澤畔人嬾逐歲時閑闌草且
因風日共披蓁醉携襟被堪高枕卧聽潮敲入
夢頻

談綱

九鼎悠悠重一絲天星色帝事堪疑看來此語
真說謗不在區區美巧詩

揚琅

荒臺渺何許萃嶽空山隅緬彼垂釣人取適豈
在魚清風塞六合名與天地俱懷哉不可見佇
立空躊躇

張恡

勲烈雲臺為漢牧先生風節冷颼颼桐江江下

清清水千尺絲綸把釣鈎

自着羊裘不惹塵富春山下足容身漢廷天子
志尊貴海宇咸歸讓一人

七里灘頭去復來十年高節子陵才我非名利
場中容羞見先生夜過臺

屠勳

高節扶炎鼎清風滿富春兩峰來轟轟一水去
粼粼太史占星象平生有故人緬懷招不起獨
立暮江濱

姚夔 色人吏部尚書

雙臺突兀映江流幾度停舸景色幽誰道故人
難佐輔豈知漢室有巢由

王守仁

憶昔過釣臺驅馳正軍旅十年今始來復以兵
戈起空山烟霧深往跡如夢裏微雨林徑滑肺
癢變足胝仰瞻臺上雲俯濯臺下水人生何碌
碌高尚當如砥

楊士奇

聖人撫昌運四海洽時雍閑對桐江水湛然心
迹同懷仁以輔義百世仰高風

周進隆

山下危瀨山上臺乾坤久待坎人來誰知漢鼎
千鈞重都在羊裘一著哉

釣臺識得勝雲臺物色空勞使者來試讀希文
祠下記清風千古屬誰哉

萬古嵯峨兩石臺客星天上賦歸來頑蕪懦立
先生啓名教誰云小補哉

國朝徐尊生

不過子陵祠而今共三年身世豈非夢而今但
茫然扁舟又東去泚泚凌春烟中宵阻逆謂撫
事悽不眠高尚亦有時嗟子獨能全清風苟未
泯遺我還山緣

陸顧

漢帝握乾符千金聘嚴光所重貧賤交富貴安
可忘豈期各有志一宿辭君王舉足動星象馳
名禦才霜東歸桐江上羊裘自徜徉

國朝林鴻

維舟富春渚舒嘯登崔嵬不見羊裘人空餘垂
釣臺苔色石上古秋聲松際哀清風猶可仰落
日滿蒿萊

國朝蕭顛

停舟釣臺下千載憶前賢高名重今古夷齊應
等眉波光時掩映山勢恒盤旋永與紫塵隔常
共白雲眠清風滿六合狂瀾障百川不受天子
祿獨釣桐江烟烟水聊寄興豈在綸與簽嗟哉
從薄宦驅馳三十年忠孝兩無補旦夕心慚然
何如富春渚洗耳聽潺湲

國朝龔弘

子陵非忘君光武豈屈士恩重故人情所以成
高致巖巖釣魚臺千載人不棄世稱隱者高吾
儕仕何事常使平生心清端如水味一朝臨大
艱忘身盡忠義清風與孤節隱顯同一器

國朝張亨敬

先生挺風節可為百世師茲余赴三召再拜先

生祠君臣有大義行藏復何疑此心不自昧獨
明主知光武本中興尊親固其宜如何考元帝
終未明天彛先生烟水志此憾能無遺

國朝鄭善夫

咄咄嚴子陵竟不能下爾迢迢富春山潤潤桐
江水渺渺窮居士皇皇漢天子當年布衣交一
旦君臣禮渭川罷釣綸華野釋耒耜上賢尊天
瑞所願贊天紀若非魚水會往往委泥滓明主
久不作吾道長已矣

國朝霍韜

老鶴凌寒川閃破長空碧歛翮傲松雲江魚足
朝食何物南陽龍滾雲塞天黑攪動雲松影羽
毛勞物色大澤非心性後儒徒論跡

國朝廖道南

江國訪孤蹤石瀨肆幽眺雲深石梁杳川迴嵐
壁峭炎火載揚晶客星遂隱曜九鼎遺光榮層
臺恣吟嘯浩涵山嶽靈冥契鬼神妙豈羨綺夏
遊空負巢由跡躬披一羊裘心期六鰲釣誰歌

看道真堪由笑英詞

國朝湛若水

吾舊嚴先生殊非巢許徒出處似合道為義
為高賓友分已定從官何乃勞屨足卧故人故
態知狂奴欠伸動天象况乃人主乎惜哉帝王
真天老歸江湖孰謂天地量徒見客星孤公卿
滿漢庭紛紛索識圖

昔年過釣臺作詩憾光武乃不知故人諫議竟
何取狂奴昧平生亦未以仁輔安得起先生與

之論出處有友如文叔安忍以相負而况天下
君一正萬國度懷仁輔義言炳炳照今古人已
性爾成合內外之道孔孟所皇皇人孰知其哉

國朝李蓮湖

炎運方興漢魯運不常秦披裘良有志附翼未
難論釣跡為臨水雲臺已佐塵比肩巢由子壬
載愧無人

姚璧

遺像森森廟祀新桐江山水四時春當年若與

雲臺佶那得清風萬古論
九鼎安危繫釣絲子陵光武嘆相知清風百世
猶師表七里灘過重所思

博羅林杰

阜哉子陵臺巉巖兩相對屹立柱中流孤高無
與配羊裘一布衣潛身大澤內物色勞九重儒
強甘自退目擊聲利場時事增感慨不徇故人
情寧作狂奴態自有天地來君臣義不廢自有
雲臺來巢由迹尚晦夷齊餓首陽廣世感百載
生當孔孟時似非皇皇輩要之適其宜聖道豈
云背清節重當時名教垂後代彼世務榮者諛
說竟昏昧何如釣一絲流風千古在

莊一俊

夙愛丘中琴今懷祠下心白雲自不遠流水有
餘音漢使圖空得客星座已臨故人留勝事書
此在碑陰

林塾

分安不言利道大安有家桐江渡頭曲蕭蕭蘆

秋華釣臺開闢只如此客星帝座閑相倚先生
目中豈但無故人却把羲皇等流水

劉球

雲傍春山卧星移御座臨羊裘披澤畔漁火照
溪陰宦達千鍾祿栖遲一寸心君知輕與重獨
釣碧波深

富春山高千萬丈子陵清節更高尚桐江水流
今古同子陵清譽更無窮手持澤中一竿竹不
顧人間萬鍾祿漢朝天子布衣交招至都亭夜

同宿只動星躔天上頭肯將獸錦換羊裘身辭
帝朝去跡與鷗鷺遊春秋坐磐石晨夕瞰回流
欲倡廉名激濁世投絲得魚等閑事當時薄俗
頗還淳後日奸雄猶畏義扶持漢祚顛覆餘二
十八將功不如滄桑屢易人世殊猶有高臺屹
立溪山隅臺上風長清臺前月長白路人翹首
但稱賢詞客登臨每留筆為邦有道尊先民今
之太守吾故人作祠自擬范希文更將文字鐫
堅珉試看萬古釣臺下雲水悠悠草木春

丘濬

長笑劉歆頭不及嚴陵足厥角稽首勢若崩况
敢橫足加帝腹嚴先生何柱我釣臺豈但高雲
臺清風遼貌千萬古落日頽波挽不回

左贊

富春山色排雲翠桐江水聲日東逝釣臺獨占
山水清千古令人想高欽當時畫釣臺在魚山
月江水真意味天上故人龍家新江千自分羊
裘故一朝物色到長安仲足終宵不成寐誰知

氣節動星辰歸來不羨圭裳貴故人六合以為
家肯惜江南一磯地唐堯不奪巢由高巢由豈
損唐堯治祠堂香火歲月深臨風細讀希文記

卞榮

一讀祠堂記仰止五千年今過祠堂下拜拜意
亦虔他人若識漢光武必在一朝登宰輔先三
獨自看羊裘狂奴之態還如故凜然高節天實
臨白日照見先生心釣竿一擲先生死客星冥
冥烟霧裏坐令四海貪夫廉舍廉為貪誰个寸

彼甘貪者是何物狼吞虎噬餓狗饒仰瞻遺像
若親覲一洗塵心如月白萬鍾九鼎又納賂何
顏來立先生側有三夏折先生祠上樹樹頭有
鶴孤棲處有足莫濯先生祠下水水深千尺清
無底嗚呼而夫之甘貪者鍾乳三千兩胡椒八
百斛不如先生釣魚之餌一粒粟暫爾享富貴
終焉遭殺戮曾不如澤中逍遙一生足安得雲
斤月斧伐石鐫我詩賞廉誅貪敢竊春秋辭祠
前再拜放舟去那問先生知不知

陸相

富春山何崔嵬上有嚴陵之釣臺層巒疊嶽丹
青開清風高節激萬古至今雙石對蒼苔羊裘
本無心世俗徒見猜懷仁輔義王佐才狂奴之
說誠詼諧客星一點亦天意先生蔑視軒冕如
塵埃終令名節重漢鼎屹然砥柱狂瀾迴桐江
清嚴灘平吁嗟先生兮不可見落日荒祠無情
邵天和

矣精不虛光欲滅九鼎伊誰扶屹嶽英雄突起

草萊中何事先生獨高潔人疑諫議非小官我
謂先生官不肖羊裘頗耐烟波寒豈必輝煌掛
朱紱夢中猶憶帶衣交星象何其動天闕何來
心事誰所知天與先生留釣磯雲臺豐功並日
月一竿獨幸垂綸絲君不見唐虞之世咨臯禹
尚容泉石棲巢許又不見周武治平多亂臣採
薇亦有西山人鍾鼎山林元一物雲霄不博烟
霞身丈夫磊落在天地如何也作西施顰桐江
之山何萃律桐江之水清且冽至今景慕先生

風添得江山兩奇絕臺邊溪徑本無多歲歲春
深長薜蘿漸余萍跡空碌碌此身未返青山阿

鄧德昌

寒瀨手持一竿竹御榻腹橫雙老足事業縱教
千古獨一點浮雲閑過目世悠悠士碌碌至今
遊者我為誰大嘯一聲江水綠

吳世良

吁嗟魏乎奇哉釣臺雙峙摩蒼穹太華金精不
足數恍惚飛來石室失天工幾回亭榭倚杖涉

九級信覺身世飄脫塵埃中古藤陰翁掩日月
 怪石嶙峋盤蛟龍三際松聲應灘瀨中霄隱隱
 鳴瑋琮海門鮪翻鵬鳥擊怒瀾噴雪迴折九里
 洪漉湧望開盧肇賦奮冠魂揚子晉忠四面峰
 嶸羅列似孫子紫翠削出金芙蓉青溪淳安萬
 壑瀉浩蕩繡嶺千巖其龍夜十二朱闌延佇久
 咫尺銀河捲映廣寒宮各記吳興春不斷鋪裯
 墜粉明應龍其園清徑扶疎護三柱珥汗冉冉
 白雲對可嗟提手奇哉釣臺幽勝冠南國先生

芳譽應與高臺並老何終窮慨昔新鬼煇妖黃
 霧塞白水真人起戎卒旌旗西何掃群雄洛陽
 快觀舊文物馮吳寇鄧荷戈從出膺垣翰入輔
 弼羊裘老子少同學爭期遣會依天日如何太
 澤復桐江白髮江湖竟遊逸不聞業野耕礪溪
 漁烹鼎鷹揚勳績並掀揭一朝脫迹那躊躇中
 興天子勤宿好三微物色備安車供出天厨頻
 引卧湯文聘訪豈相殊考槃竟阻伊姜遇無乃
 天家禮意還成虛詔命豈堪延保傳故人自合

致手書况符要領會仁義周黨儒仲非儔足繼
繆仍將好爵糜高致那為諫議屈先生不應意
有在足加帝腹非狂介君房求益信是痴位至
昂足何危殆况魚九重用法繩尚書御史輒繫
逮上相朱浮修牙歸骨鯁韓歆竟遇害先生威
昔窺其微歸向城漪垂釣絲青笠綠蓑烟雨暮
漁歌款乃棹歸遲林杪不貽猿鶴愁浦沙時見
鷺鷗隨至今陳迹環翠峯風伸冰骨儼遺祠紛
紛軒蓋薦滙藻遲迴空復希文碑吁嗟鍾鼎簪
組索繫誰止足八貂七葉競奔逐倒屣擁篲解
幾人畏途瞿峽禍倚伏先生孤潔障崩濤方餌
直釣解會興陶陶贏得東京宗勁直清脩猶自
激孫曹吁嗟巍乎奇哉雲臺那似釣臺高蹇余
作吏吳楚間觀光璧水厠

李東陽

劉文叔加我足侯君房嗔我月平生若遣吾喪
我有日如盲足如跛安能城市復山林朝望暮
還無不可君不見嚴陵山水高復深誰哉更識
先生心

陵來為臣陵亦有言輔義懷仁吾喪我守臣於
何有陵去為友客星犯兮日月光故人去兮江
水長來時心去時迹山有雲兮江有石

邵寶

顧應祥

垂老間行艤舟向嚴陵灘側瞻廟貌高風千古
水清玉白偃卧不知天子貴官從故舊下顏色
把一犁耕破富春雲寧勞力○明良會吾所識
丘壑廣仕途窄况吾腰一折要伸難得三聘始

來來即去冥鴻萬古烟霄隔俯澄江閱遍往來
艇奔波客

姜璉

何物軒裳那能立未央宮側桐江上怎生割捨
風清月白星宿空搖帝座光雲霞封斷青山色
抗東都九鼎一絲風先生力○有心做無人識
物外濶人間窄倦獲岷天倚與誰分得七里灘
回魚鳥親一方水曲蕪葭隔嘆巢由千載道無
傳羊裘客

吳文元

炎祚中興日桐江隱客星不貪名利重惟愛釣
絲輕高節凌霄漢清風絕世塵故人曾訪道萬
乘擁柴荆

畢亨

氣節扶炎祚綸竿豈釣名人心終不死廟貌儼
如生木落長江迥山高獨樹平灘頭明月在照
見古今情

吳福

暫脫羊裘日方當物色時客星凌帝座人事
天知不負平生友難辜帝者師諫垣在何處
釣寔相宜

揚樞

絕巘雲平樹登臺訪逸民乾坤雙砥柱今古一
絲綸天上交游盡山中歲月新何人知此意吾
自任吾真

謝肅

南征屢泊桐江船想像高風灑九天二十八將

豈吾侶一千餘年無爾貧使旆已承堯日魚釣
臺難覓客星懸最憐碑碣生苔蘚俯仰雲

山重
慨然

周叙

睦州城北日斜時望入嚴灘思欲馳艤擢捫蘿
尋故迹扶筇秉燭看豐碑雲臺圖畫當時烈烟
水風情百世師夜色蒼蒼釣竿冷耿光猶

似客
星出

洪璵

當年漢主共鄉閭萬里應煩使者車東帛豈能
回素節公卿莫為降除書朝廷自此知名重草

木從教入夢疎火德中興文武備老夫急

放隱
江魚

吳玘

當年不肯事王侯甘向烟波侶白鷗誤着羊裘
來釣隱遂教龍袞得微求石苔遠接麋蕪曉祠
宇涼荷竹樹秋惟有清風高節在桐江百
赤符漢主已龍飛故舊情深自布衣大史謾勞
占象緯先生偏愛老漁磯緣物外無榮辱不
向塵中計是非百尺絲綸一時事芳名千

古竟
巍巍

史瓘

笑倚西風懶下臺任君徵詔幾回開桐江有志
并垂釣漢室何勞若辟才太節萬年昭宇宙清
風千古淨塵埃椒漿一奠情何劇惆悵先生再
不來
先生高尚古來稀嘆息如今事已非節義風顏
隨地滾利名湯熱儘人為釣臺突兀凌晴漢祠
廟荒涼對夕暉艤棹登堂躬拜謁高山仰止思
依依

江孟綸

兩峯石聳半山隈問是先生舊釣臺一節不為
明主屈九重空望故人來春成江上烟波趣閑

却曾中柱石才敢藝辨香祠下拜為君堪喜亦
堪哀

桐江岸畔泊舟來謁罷祠堂上釣臺人慕高風
心似醉試瞻遺跡眼重開索身豈學巢由僻濟
世寧無伊傅才漢主不將臣禮召先生故態或
能回

吳立

故人三聘入金門前席從容共討論諫議固辭
青鎖闥客星忽把紫薇垣釣臺架石半空出清
節流芳萬古存愧我驅馳忍相見畫舫過處幾
黃昏

高銓

漢業中興四海同羊裘何處避行蹤客星敢犯
君臣分帝座能先故舊容小釣有心成遠隱浮
名無意到斜封雲山烟水蒼茫裏遺像分明景
仰中

戴仁

昔年曾向此停舟此日重來謁隱流高節不圖
榮獸錦清風羸得重羊裘客星帝座名千古綠
水青山釣一釣鏤斧無緣忘寵辱野花啼鳥笑
吾儔

童軒

遺臺臨水鬱嵯峨西漢高風耿不磨歲月忽驚

人已遠江山如待客重過一竿肯為浮名出五

鼎空懸祿賜多惆悵壽陵何處是青山依舊屬
漁業

秦金

我初桐江行還從釣臺憇臺下雲蒼蒼臺上石
齒齒悠悠千古心寒月浸江水清風不可招只
尺猶萬里蹇予宦遊身塵緣未由洗再拜仰遺
容吾願真有此

程敏政

不作中興諫議臣歸來仍許祿終身要令公相

慚台島正謂先生樂釣綸黃鵠朔風非漫士赤
龍當極是真人雨中未得供蘋藻一日乘潮入
富春

誓擲綸竿去復還徵書空照水雲間桐江巖巖
知心久不遣移文過北山

孫燧

故人天上膺飛龍漁老桐江第一峰此日登臨
謂祠廟完名高節許誰同

洛陽神武靖羶塵使向桐江樂隱綸假使當年

榮諫議先是終是漢朝人

桐江舊有子陵臺今日乘舸特地來高節難攀
遺跡在微風落日重徘徊

陳獻章

聊拈彩筆點行藏便有乾坤日月光三尺羊裘
幾銖兩千秋龍衮共低昂星纏變動天機速脚
扳橫加帝腹香非是先生薄光武直推東漢作
陶唐

羊裘不返道終疑玉帛雖來事可知天下君臣

光武詔世間贈美子陵碑故人不改狂奴態一
事堪為百世師九萬漢家從此重聽歌山谷老
人詩

桐江秋水來天地照見十年老鳳還太史直書
形迹外先生猶在是非間交情此去投當宁年
事何勞列從班從向東吳問遺老江湖容有此
翁閑

先生如此亦天民高坐桐江一水濱却到陵夷
排亂賊方知名節是忠臣白鷗自去江湖遠黃
紙何來道路頻往往見人東廡下傷心一代帝
王真

姜麟

世故無人識顯藏羊裘莫恨欠埋光軒裳塵土
誰云隱玉帛權衡未覺昂風引釣絲長亦短囊
紉江草破還香漢書錯著先生傳千載巢由不
繫唐

堅卧輕車我亦疑箇中心事更誰知天封一壑
雲霞表壁削天崖草樹碑客宿故垂師友象漁

竿不換帝王師史官議論無憑據何况騷人墨士詩

天與桐江綠一灣布衣趨召布衣還心游朋友君臣際道在雲山江水間周黨王良何足齒許由巢父定為班釣竿孰謂無功烈獨為乾坤立大剛

還是天民是逸民一竿坐老浙江濱青山有地藏漁父白髮無心作諫臣加以雙趺猶涉傲比之三聘未為頻誰云真隱無名姓風動人間隱

更真

阮鶚

江舟下初月遠照子陵臺臺下春水生臺上春風來醉乘東海鶴直向北山隈美人乍相見懷抱鬱始開風波一轉眼驚我春夢迴耿耿不能寐披衣望三台

林瀚

富春山下客舟過長花清風感慨多龍衮故人天上夢羊裘漁父水邊歌一磯煙月還如舊五

夜星辰竟若何
面想流芳千載事
桐江波似渭
江波

身外功名重半
毫豈知霄漢客
星高故人若問
經綸事短髮漁
翁不耐勞

山遶桐江見此
臺天開形勢自
崔嵬中興人物
魯圖像名教何
歸釣隱來

沈翊

羊裘一着自身
輕不羨金章紫
綬榮千古釣魚
臺下水至今流
出世間清

文政庚申

日
月
三
十
三
日
刻

